

**Kultureqarnermut, Ilinniartitaanermut, Ilisimatusarnermut, Ilageeqarnermullu
Ataatsimiititaliap**

ISUMALIUTISSIISSUTAA

pineqarpoq

**Siunnersuut uunga: Inuussutissarsiutinik ilinniartitsinerit aamma inuussutissarsiutinik
ilinniartitsinerup iluani pikkorissaanerit pillugit Inatsisartut inatsisaannik allanngueq
pillugu Inatsisartut inatsisaat nr. xx , xx xx 2012-imeersoq.
(naatsorsuutit pillugit aalajangersakkanik erseqqissaat il.il.)
(Ilinniartitaanermut Ilisimatusarnermullu Naalakkersuisoq)**

Siunnersuutip aappassaanneerneranut saqqummiunneqartoq

Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Andreas Uldum, (Demokraatit), siulittaasup tullia
Inatsisartunut ilaasortaq Hans Aronsen, (Inuit Ataqtigiit),
Inatsisartunut ilaasortaq Harald Bianco (Inuit Ataqtigiit),
Inatsisartunut ilaasortaq Ruth Heilmann, (Siumut)
Inatsisartunut ilaasortaq Aleqa Hammond, (Siumut)

UPA2012/32-ip ulloq 13. april siullermeerlugu suliarineqarnerata kingorna ataatsimiititaliap
siunnersuut misissorpaa.

Siunnersuutip imarisai siunertaalu

Siunnersuummi siunertaavoq inatsimmi atuuttumi (Inuussutissarsiutinik ilinniartitsinerit
aamma inuussutissarsiutinik ilinniartitsinerup iluani pikkorissaanerit pillugit Inatsisartut
inatsisaat nr. 10, 19. maj 2010-meersoq), naatsorsuutit pillugit aalajangersakkat
naatsorsuusiornermi periutsinut naleqqussarlugit naqqinneqarnissaat, aammalu
kissaatigineqarpoq inatsimmi § 42, imm. 4-p oqaasertaanik aalajangersakkamullu
oqaaseqaatinik ataqtigiissitsineq ilanngunneqassasoq.

Inuussutissarsiutinik ilinniartitsinermi soraarummeertarnej pillugu nalunaarusiorsinnaanermut pisinnaatitsilernissaq siunnersuummi taassuma saniatigut siunertaavoq.

Naggasiullugu siunnersuummi siunertaavoq Danmarkimi inuussutissarsiutinut ilinniartitsinernut atatillugu Kalaallit Nunaanni suliffeqarfinnik sungiusaammik suliffiusinnaasunik akuersisarnej pillugu ajornartorsiutip killilersorneqarnissaa, tamannalu imatut paasineqassaaq inuussutissarsiutinut ilinniarnert Danmarkimi inuussutissarsiutinut ilinniarnit neqeroorutigineqartut, kisiannili Kalaallit Nunaanni sungiusaammik sulineq ingerlanneqartarluni.

Siunnersuutip suliarineqarlugu Inatsisartuni suliarineqarnera.

Siunnersuutip suliarineqarnerani erseqqissaatigineqarpoq, inatsisissatut siunnersuummi kalaallisut aamma danskisut oqaatit assigiinnginneri. Siunnersuut siammasissumik ilalerneqarpoq.

Tusarniaanermi akissutit

Siunnersuut suliamut attuumassuteqartunut sapaatip akunneri tallimat tusarniutigineqarsimavoq. Tusarniaanermi siunnersuummut allannguuteqarnissamut tunngavissaqarsimanngilaq. Tusarniaanermi akissutit inatsisissatut siunnersuummut ilanngunneqarput.

Apersuineq

Siunnersuutip suliarineqarneranut atatillugu ataatsimiititaliamit Ilinniartitaanermut Iisimatusarnermullu Naalakkersuisoq ataatsimiititaliap paaserusutaanik suliffimmi sungiusartarnermut tunngasunik apersorneqarpoq.

Ataatsimiititaliap siunnersuummik suliarinninnera

Allannguutissatut siunnersuutip kalaallisoortaata nassiunneqarnerani, siunnersuutip siullermeerneqarnerani uparuarneqarsimasut inatsisissatut siunnersuummi kalaallisut

Danskisullu oqaatitsigut assigiinnigissutit iluarsineqarsimasut ataatsimiititaliamit maluginiarneqarpoq.

Siunnersuummi immikkoortunut 1 aamma 2-mut, soraarummeertarnerit il.il. kiisalu naatsorsueriaatsit pillugit ataatsimiititaliaq oqaaseqaateqanngilaq.

Inatsisissamut siunnersuummi imm. 3-imi ataatsimiititaliamit paasisimaneqarpoq, Kalaallit Nunaanni ilinniarfiit ilaannut qinnuteqartut ima ikitsigisartut, Kalaallit Nunaanni ilinniartitaanerup aallartinneqarnissaa tunngavissaqanngitsoq. Tamanna tunngavigalugu Ataatsimiititaliamit pitsaasutut isigineqarpoq, Kalaallit Nunaata avataani ilinniartitaanerit aallartinneqarsinnaammata suliffimmullu sungiusarnertaat Kalaallit Nunaanni ingerlanneqarluni.

Ataatsimiititaliaq isumaqarpoq, inatsisissatut siunnersuutikkut, Kalaallit Nunaanni suliffimmut sungiusarfissanik Qallunaat nunanni inuussutissarsiutinut ilinniartitaanermut atatillugu taamaallaat akuersisoqarsinnaassanngimmat, kisiannili aamma Kalaallit Nunaanni suliffimmut sungiusarnerit nunani allani inuussutissarsiornermut ilinniarnerni ingerlanneqartunut atasut akuerineqarsinnaammata.

Tamatumunnga atatillugu pingaaruteqarpoq Naalakkersuisut qulakkiissagaat, nunani allani inuussutissarsiornermut ilinniarfiit Kalaallit Nunaanni suliffeqarfiit pillugit ima ilisimasaqartigisut, Naalakkersuisunut suliffimmi sungiusarfinnik akuersinissamut paasisimasat tunngavigalugit pitsaasumillu inassuteqarsinnaassallutik.

Siunnersuutip aningaasatigut kingunissai

Siunnersuutip piviusunnigortinneqarnissaanut aningaasatigut kingunissai siunnersuummi oqaaseqaatini nalinginnaasuni ilanngunneqarsimapput. Tassani allassimavoq siunnersuummi aningaasatigut siunnersuut aningaasatigut kinguneqassanngitsoq. Ataatsimiititaliamit taamaalilluni tatigineqarpoq Naalakkersuisut apeqqut taanna pillugu sukumiisumik misissuisimasut aammalu aningaasatigut kingunissaritinneqartussanik amerlanerusunik nassaartoqaqqissanngitsoq.

Ataatsimiititaliap inassutai:

Allanguutissatut siunnersuut akuerineqassasoq ataatsimiititaliap isumaqatigiittup inassutigaa.

Taamatut oqaaseqarluni aammalu isumaliutissiisummi allassimasunut paasinnilluni ataatsimiititaliap siunnersuut aappassaannigassanngortippaa.

Andreas Uldum
Siulittaasup tullia

Hans Aronsen

Harald Bianco

Ruth Heilmann

Aleqa Hammond